

maine'e ne fuengu 'e sayungu

moso la yonta fuengu 'e sayungu ne moson'a la oko, maica mo uhne yafana ho yahioai 'o maameoi taini, ko'ko ohecu hafa yone yafana, mitacu toaveiveia ho o'ana mita ahtun'a yuovei ta fuengu, lata asnguca talua ta sayungu 'o ma'o'oahngu taini, aavaho 'o inoconi taini ci tanivu, zou aulu ohaeva to ino taini, 'avai 'o ongko to oko nosi hahocngu, mihin'i ake'i yuansohu, mohin'i la asnguca noepohu ho peispak'i, la yone fuengu ho yaahioai 'e 'avai, la asnguca e'ohu ho mimimio ne fuengu ho eafou, la aasvutu uhto toaphoyu ho tihtiseiti to mayoyongo.

mo seolua no tosvo no homu'eina 'o lata yoni ci 'oyonatoatmopsu ta sayugnu, mo to'sina'o, ko'ko mita meelu uhne fuengu ho biebimi to ma'o'oahngu. isi yungeova to 'avai ne sua'funu ho hafa maine'e. ine micu suc'uhu to emoo ta 'avai, isi hafa mimimio ho bobaito to aukukuyungu, maica ho micu a'umtu nona'o ho mita o'tena ahtu yuovei ta fuengu 'e sayungu, mita na'no buuhn'o'na'o ho micu na'no aezuhu 'e ohta la yoyoni ne mohtan'a la oko.

ita talua ta sayungu hola aut'ucu to snosnoecavu 'o inoconi taini, isi tuocosi 'o 'avai, “ mo yonenu na lasi aut'uca to inoconi ci snosnoecavu ? ”

isi yainca ta 'avai, “ ‘amo yonta ciengona ta'e,” isicu eno hafa uhto lasi yoni aut'ucu to snosnoecavu to inosi.

ine tec'u yumeumu to emoo no teo'ua, matesi 'osnia smo'usni to hanahana ho 'ucia peobanga, mita mukeici ho toekameosu 'e sayungu.

mainca 'e sayungu, “mo mainci na'no pak'i si hanahana!” ita at'inghac'o cocvi ta 'avai. ita i'vaha tuocosi ta sayungu, “zou 'o'okosi tamo yuuhnguzu ta ecuu?” yainca ta 'avai, “ o'asa'a, 'a viivi no hanahana ” isi eusvusvuta ta 'avai hola teaineni ecuu 'e hanahana, o'ala lua pkaako, a'vinano la ayoca skoa yopngua ho tec'u meiv'ohu.

mihin'i emo'usnu to po'ovnu, mo con'i 'omo toh'iei cimo meoi no feu' u, mo tuyu 'omo nun'u ci okosi, ita tuocosi ta sayungu, “ leamu p'ani no cuma 'e engha man'i ci lamu aut'uca ci snosnoecavu? ” yinca ta 'avai: “ mam'o mav'ov'o 'o lamia peela p'aeni, maito maeemcu, f'ue, cnamu ho saietungu, lasic'o acuha peela ana ta feu'u. lamia eaneni to faaf'ohu ho samaka si teo'ua, yaeza aasvuta yaaneni to kokeut'ee ho p'aeni ta hanahana ho 'ahilu.”

Sayungu 回到山上

Sayungu 常常想念山上的親人，特別是姨媽，她兒子叫’Avai，他們年齡相仿，以前常一起玩耍。

Sayungu 放暑假回山上，’Avai 去接她、帶她逛逛。Sayungu 問：「姨媽的雞鴨養在什麼地方？」當他們走到雞舍，白鵝衝過來想要攻擊，Sayungu 驚叫逃離。Sayungu 問：「在池塘游泳的是鵝嗎？」’Avai 回答：「那是鴨。」接著說明有池塘，鴨就不會飛走。走到豬舍，Sayungu 說：「這麼多的家畜你們怎麼餵？」Avai 說：「籐葉、地瓜、香蕉、木瓜、昭和草、苦苣餵雞，撿蝸牛餵鴨鵝。」